



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvací, 1625**

De fraterno onere iniucem portando. XV.

[urn:nbn:de:hbz:466:1-45790](https://nbn-resolving.de/urn:nbn:de:hbz:466:1-45790)

cor suum in puritate custodit. Citò & liberè ad Deum anima pura pergit, & super omnia mundi condita euolat, quæ in terris nil commodi vel honoris concupiscit. Charitas Christi omnia vincula mundi soluit, omnia onera levia facit; & quacumque Deo placent, fideliter implere satagit. Vnde cum Christo orat, & dicit:  
Pater non mea voluntas, sed tua semper & ubique fiat.

## CAPVT XIV.

*De vigili cura & labore contra tentationes.*

1. **R**efugite diabolo, & fugiet à vobis. Vbi cumq; fuerit bonus homo occupatus cū Deo, orando, meditando, studendo, scribendo, ibi assunt angeli sancti congaudendo, assunt & dæmones ipsum tentando & distrahendo. Cum inceperis orare, fugient dæmones, quasi ab igne sancti Spiritus: & cum volueris fabulari, redeunt omnes teleriter ad excitandos rumores inanes. Si autem superuererit bonus prælatus, dissipabit mox omnes fabulantes, & arguet ocio vacantes, & bona opera negligentes. Maneas ergo in silentio, & cogita de Deo tuo pro solatio habendo: & liberaberis de tædio boni operis, perseverans in bono, incepto.

2. Esto fidelis in modico, & lucraberis decem milia talenta in regno supererno. Non sis ociosus in secreto, nec verbosus in publico, & fugiet diabolus vixsus à taciturno. Odit enim laborantem & tacentem, orantem & bona meditantem. Vbi cumque fueris solus vel cum alijs, oportet te certare, vigilare, & orare contra tentationes carnis & spiritus. Certa fortiter, ora feruenter, labora diligenter, stude frequenter, tace libenter, sustine patienter. Spera in Domino semper, quantumcunque fueris tribulatus & desolatus vehementer. Qui seipsum in omni loco & tempore ponit ad patientiam, maiorem nunc habebit pacem, & de aduersarijs victoriam, & in futuro cum electis clariorem gloriæ coronam obtinebit.

## CAPVT XV.

*De fraterno onere inuicem portando.*

1. **A**liter alterius onera portate. Quoniā quidem omnes in Christo vnum sumus, ideo fraternalm charitatem tenere debemus in vinculo pacis, & in bono semper concordare. Omnes Christi membra sumus, renati in baptismio per gratiam Spiritus sancti, passione Christi redempti, sanguine Christi mundati, corpore Christi refecti, verbis Christi eruditæ, miraculis Christi confirmati, exemplis Christi ædificati. Cur ergo alter alteri nocetis, fratres?



fratres mei? Qui alium verbo vel facto ludit, Christum offendit. Christus vindicabit, Christus puniet, nisi citò se emendauerit. Vnum Deum Patrem habemus in cælis, omnes in Christo fratres sumus, de quacumque ciuitate vel patria hic cōgregati, aut quantumlibet parentela nobili vel ignobili generati. Vnus Deus nos omnes creauit, vonus pascit & gubernat, vonus ad vnius beatitudinis finem nos vocauit: & quotidie vocat, per vocem foris, per contritionem intus: qui se nobis videndum promisit in præmium æternum in conspectu Angelorum, cum vnanimi felicitate omnium ciuium supernorum. Si ergo à Deo vanimiter vocati sumus, uno precio redempti, uno spiritu omnes potati: studeamus mutuò diligere & seruire. Si Christo placere cupimus, propter Christum inuicem onera nostra portemus, & ex charitate pro inuicem oremus; quia sic Deus in nobis est, & nos in Deo sumus. Quicquid ergo imperfectionis & ineptitudinis videmus vel audimus, hoc piè in bonum interpretari debemus, sicut de nobis fieri optamus.

2. O frater amande, porta, & portaberis; excusa, & excusaberis. Compatere peccanti, & compatietur tibi. Consolare lugentem, & consolaberis à gaudente. Erige cadentem, & erigeris Domino auxiliante. Sicut feceris alteri, sic fiet etiam tibi, Deo iustè iudicante & vindicante. Non mireris, nec indigneris, si cadit homo fragilis in mundo: quia Angelus cecidit in cælo, & Adam in paradiſo, victus à modico pomo. Saepè valde parua res est, vnde homo valde grauiter tentatur in seipso, vel etiam vexatur ab alio. Hoc Deus iustè permittit cōtingere, ut veraciter cognoscas, quòd si non potes parua vincere, non poteris grauiora superare.

3. Esto benignus in fratrem tentatum, & ora pro tribulato sicut pro temetipso. Bonum tuum, bonum meum per congratulationem: & malum tuum, malum meum per compassionem. Nam omnes fragiles homines sumus, idcirco pro inuicem orare & charitate tenemur. Nemo alteri improperare potest defectum eius, se neglecto. Quia si quis aliquem defectuosum despicit, quasi cæcus cæcum illudit, & surdus surdo maledicit, & stultus stultum deridet. Tace de alio tibi non commisso male loqui, sed teipsum magis respice & corrige, quòd prauè fecisti. Si rectè iudicas, & proximum emendare intendis, à teipso incipe. Et tunc procede nō commotè, sed modestè & discretè. Si diligis me sincerè & fraternè, compatere mihi sicut tibi, & ora pro me. Qui alium corripit, Ora pro eo quem corripit alio & pro eo non orat nec condolet, crudelis est hostis; non medicus plus, sed onerosus fabulator. Qui pro alio sicut pro seipso orat, qui hostis duplex bonum facit. Quanto quis plus habet de bono fraternali es non me charitatis, tanto libertius pro eo orat, ut perfectius se emendet, dicens.

& oculos infirmorum non offendat. Ideo amplius contristatur, si audire noluerit, & admonenti indignatur; Quilibet est alterius aut rosa redolens, aut spina pungens.

## CAPVT XVI.

*De amore Christi, & odio mundi.*

*Iacob. 15.*

1. **M**ane in dilectione mea. Vox Christi, vox dulcis ad audiendum, salubris omnibus ad obediendum. Amor Christi, iucunditas mentis, paradisus animæ, excludit mundum, vincit diabolum, claudit infernum, aperit cælum. Amor Christi & amor mundi contrarij sunt, & nihil commune habent, nec simul commorari possunt. Amor Christi, currus Helicæ ascendebat in cælum: amor mundi, quadriga diaboli trahens ad infernum. Amor sui Iesu, obliuio mundi, inuentio cæli. Plus nocet blanda locutio ficti amici, quam dura correptio hominis iusti. Cogitatio doloris singit mendacia, mens iusti rectè procedit in causis. Nemo uadet scandalum, qui alteri infert scandalum. Rector & cognitor omnium Deus, non diu patitur ouiculam suam errare & balare; sed aut baculo timoris feriens reuocat; aut amoris oculo inuenit, ad conscientiam reducit.

2. Vbi pax & concordia, ibi Deus & omnia bona. Vbi lis & dissensio, ibi diabolus & omnia mala. Vbi humilitas, ibi sapientia, Vbi superbia, ibi radix malitiæ. Vince superbiam, & inuenies pacem magnam. Vbi dura verba, ibi ladduntur charitatis viscera. Vbi solitudo & silentium, ibi quietes monachorum. Vbi labor & disciplina, ibi profectus religiosorum. Vbi risus & dissolutio, ibi fugit deuotio. Ocius & verbosus raro compunctus, raro à delicto purus. Vbi prompta obedientia, ibi leta conscientia. Vbi fabulatio longa, ibi operis negligentia. Vbi propria exquisitio, ibi charitatis defectus. Vbi doctrina Christi viget, ibi salus animæ certa. Vbi fratrum concordia, ibi dulcis melodia. Vbi mediocritas seruatur, ibi virtus concordiae diutiùs perseverat. Vbi discretio in corripiendo culpas aliorum custoditur, ibi nemo iuste conqueri debet, nec facile prælato indignari. Vnde quidam: *Omnibus additum modum, modus est pulcherrima virtus.* Vbi patientia, ibi magna hostis victoria. Vbi turbatio intrat, ibi pax citè de domo recedit. Claude oris ostium, & pondera verba tua antequam loquaris. Vbi fides & veritas, ibi pacis securitas. Vbi dolus & nequitia, ibi stulta cogitatio & cæca prudentia. Vbi charitas, ibi Spiritus sanctus. Vbi leuis suspicio, ibi frequens indignatio. Vbi veritatis cogitatio, ibi rectis corde letitia. Vbi ficta narratio, ibi sæpe amici deceptio latet. Vbi humiliis confessio, ibi facilis venie impetratio.

Vbi

*Cate.*

*Prov. 11.*